

Ky dokument nuk është prova. Prova janë bajtët e ruajtur: HTML-ja e faqes, pamja e saj, dhe zinxhiri i hash-eve që i lidh. Kjo dëshmi është paraqitja e tyre, e prodhuar automatikisht. Verifikohet me kodin më poshtë **pa na pyetur ne**.

ARTIKULLI

TITULLI	Haxhiu e shtyn për të dielën seancën konstituive mes mosmarrëveshjeve për nënkryetarët – Vizion Plus
ADRESA	https://www.vizionplus.tv/haxhiu-e-shtyn-per-te-dielen-seancen-konstituive-mes-mosmarreveshjeve-per-nenkryetaret/
BURIMI	vizionplus.tv
GJENDJA	edited

KOHA


KAPUR NGA NE	11 shtator 2026, 17:37:14 UTC <i>Dritarja jonë e pasigurisë: ± 300 s — intervali me të cilin e kontrollojmë këtë burim.</i>
DEKLARUAR NGA PORTALI	11 shtator 2026, 17:34:14 UTC <i>Koha e deklaruar vjen nga pala që po vlerësohet. Ora jonë nuk preket prej saj, dhe të dyja shfaqen këtu të ndara.</i>

HASH-ET · SHA-256

PËRMBAJTJA	3ddc5ace3ae817ebc2cb82843aec487cc5d9cae4ffb79f18186f0b061bde1540
TEKSTI	fc81939f731f55b8e4331eb94f193d4b6808f3fc43e763ad1c7088598dcd306a
PAMJA	a2308a86f3b69580850ea198f6d74cf4e6d735a3c6ce23d4474b5a5c617436ba

ZINXHIRI I PROVËS

KJO HYRJE	73950ae494810d7e7834891ebbf39cca591367673c63723e960363a65df57f53
E MËPARSHMJA	d5ca7e7719670f58aac125030f190dd93daf288196c27bd444faa3af39c77cd4
RRËNJA MERKLE	—
ANKORIMI	nuk është ankoruar ende <i>Kjo hyrje nuk është përfshirë ende në asnjë pemë Merkle të dërguar. Zinxhiri i hash-eve provon rendin dhe integritetin; koha jo.</i>



SKANOJE PËR TA VERIFIKUAR

Kodi të nxjerr te eksploruesi i STAMLES. Ai regjistër nuk është yni: nëse serveri ynë bie nesër, vula mbetet aty ku është.

Faqja tregon njërën nga tri gjendjet — **nuk u gjet**, **në radhë**, ose **e konfirmuar** me bllokun, rrënjën Merkle dhe transaksionin në Polygon. Krahazo hash-in që gjen atje me atë të shtypur më lart: nëse përputhen, kjo kapje ekzistonte para asaj ore, dhe ne nuk mund ta kishim ndryshuar pas saj.

<https://scan.stamles.eu/verify/73950ae494810d7e7834891ebbf39cca591367673c63723e960363a65df57f53>

PAMJA E FAQES

Renderuar nga HTML-ja jonë e ruajtur, jo nga rrjeti. **Riprodhon kopjen tonë, jo pamjen e atëhershme:** stilet dhe imazhet e largëta mund të mos ekzistojnë më ose të kenë ndryshuar.

Motori: chromium-stored+assets · dritarja 1280×1024 px



Kryetarija e Kuvendit të Kosovës, Albulena Haxhiu, e ka shtyrë për të dielën vazhdimin e seancës për konstituimin e legjislaturës së 11-të, mes mosmarrëveshjeve për votimin e nënkryetarëve, pasi partitë opozitare Partia Demokratike e Kosovës (PDK) dhe Lidhja Demokratike e Kosovës (LDK) braktisën sallën.

PDK-ja e kishte braktisur sallën të premten paradite pasi Lëvizja Vetëvendosje në pushtet nuk ia kishte votuar kandidatin për nënkryetarë dhe nuk u kthye në sallë kur seancë vazhdoi pasdite.

LDK-ja nuk pranoi ta propozojë kandidatin e saj, pasi Haxhiu e tejkaloi zgjedhjen e nënkryetarit nga PDK-ja, i cili ishte i dyti në radhë për t'u zgjedhur, sipas procedurës.

Seanca do të vazhdojë të dielën paradite, por nuk është e qartë nëse diçka do të ndryshojë duke ditur se PDK-ja ka thënë se nuk do kthehet asnjëherë në seancë dhe se do t'i drejtohet Gjykatës Kushtetuese.

Kryeministri në detyrë, Albin Kurti, tha se PDK-ja "nuk është dashur ta braktisë procesin e konstituimit të Kuvendit".

Ai tha se asaj i nevojiten votat e partisë së tij për ta zgjedhur nënkryetarin, ndërsa partisë së tij votat e PDK-së për ta zgjedhur presidentin e ri të vendit.

"Prandaj, shpresoj që do të vijmë të dielën, në mënyrë që t'i zgjedhim edhe këtë katër nënkryetarë të tjerë dhe mandej të procedojmë me qeveri e zgjedhje të presidentit", tha ai.

5 Rama: Meta ishte një talent në politikë, por e "përpiu" pushteti

NEWSLETTER

Përmbledhja e ditës në e-mail

Abonohu

Çfarë ndodhi?

Seanca konstituive nisi paraditen e së premtes dhe Ardian Gola nga LVV-ja e u zgjodh në postin e nënkryetarit, por jo edhe e propozuara e PDK-së, Vlora Çitaku, pasi deputetët e partisë në pushtet abstenuan.

Deputetët e PDK-së lëshuan sallën dhe nuk u rikthyen kur ajo vazhdoi pasdite.

Në rifillimin e seancës, Haxhiu u bëri thirrje disa herë deputetëve të PDK-së të ktheheshin, por kjo nuk ndodhi.

Duke iu referuar mungesës së deputetëve të saj në sallë, Haxhiu tha se vlerëson se PDK-ja po refuzon ta ushtrojë të drejtën e saj kushtetuese për të propozuar nënkryetar të Kuvendit, “prandaj ne po vazhdojmë me grupin parlamentar të LDK-së”.

Por, synimi i saj për të vazhduar me zgjedhjen e kryetarit të tretë nga partia e tretë, LDK, u kundërshtua nga kjo parti.

Në emër të partisë, Jehona Lushaku tha se LDK-ja nuk ka të drejtë ta bëjë propozimin për nënkryetarin e vet derisa nuk është zgjedhur nënkryetari nga PDK-ja.

“Në bazë të praktikës parlamentare, në bazë të Kushtetutës, dhe të Rregullores së Kuvendit, tri grupet më të mëdha parlamentare kanë nënkryetarët e tyre, dhe ne si seancë obligohemi t’i zgjedhim ata në radhë bazuar në fuqinë e tyre parlamentare”, tha Lushaku.

Ajo shtoi se “grupi i dytë parlamentar ka të drejtë ta propozojë dhe zgjedhë nënkryetarin, prandaj ju bëjmë thirrje ta gjeni një zgjidhje dhe t’i shterojmë të gjitha mundësitë”.

Haxhiu iu përgjigj Lushakut duke thënë se “detyrohem, për shkak se kemi qëllim ta konstituojmë Kuvendin, që të vazhdojmë me juve”.

“Pra, nuk ka asnjë pengesë për sa kohë nuk e kemi këtu grupin parlamentar të PDK-së”, nguli këmbë Haxhiu.

Haxhiu më pas u përpoq ta hedhë në votim kandidatin e LDK-së, Kujtim Shala, dhe u kërkoi deputetëve të bëheshin gati për votim, duke nxitur deputetët e LDK-së ta braktisin sallën.

Largimi i tyre bëri që Haxhiu ta shtyjë për të dielën vazhdimin e kësaj seance.

Çfarë thanë partitë parlamentare?

Vazhdimi i seancës konstituive të premten nisi me mospajtime lidhur me formën e votimit të nënkryetarëve, por më pas me 71 vota për, u vendos që për pesë nënkryetarët të zhvillohej votim i ndarë.

Ardian Gola i LVV-së mori 100 vota dhe u zgjodh në këtë post. Por, Vlora Çitaku arriti të merrte vetëm 44 vota, pasi deputetët e LVV-së abstenuan.

Kreu i PDK-së, Bedri Hamza, tha se partia do t’i drejtohej Gjykatës Kushtetuese për këtë çështje dhe e bëri të qartë se ajo nuk merr më pjesë në seancën konstituive.

“Sot nuk po e respektojnë aktgjykimin e Kushtetueses për mënyrën e votimit, pasi aty thuhet se duhet të ketë konsensus. Nuk ka konsensus. Ne e votuam kandidatin e LVV, por ata nuk e mbështetën kandidatin tonë”

e votuar kandidatit e LVV, por ata nuk e mbështetën kandidatin tjetër, tha Hamza.

Sipas një aktgjykimi të Gjykatës Kushtetuese, Kuvendi duhet të konstituohet brenda 30 ditësh, nga data e certifikimit të rezultatit zgjedhor.

Ky afat ka skaduar më 7 gusht, por LVV-ja më pas kishte argumentuar se afati vlen nga data e nisjes së seancës konstituive – pra nga 6 gushti. Por, edhe ky 30-ditësh, sipas interpretimit të LVV-së, tashmë ka kaluar.

Arbërie Nagavci nga LVV-ja tha se partia e saj nuk ka vota për kandidatë për nënkryetarë të Kuvendit, që synojnë “ta dërgojnë vendin në zgjedhje”.

“LVV do të votojë një kandidat të PDK-së dhe LDK-së për nënkryetar. Por, nuk mund të votojmë Vlora Çitaku. Pra, LVV e voton një deputet nga radhët e PDK-së, se cili është ai deputet, duhet që PDK të vazhdojë me propozime apo marrëveshje”, tha ajo.

Lushaku e LDK-së tha se kjo gjendje vjen si pasojë e mungesës së konsensusit politik nga partia në pushtet për mënyrën e votimit të nënkryetarëve.

“Kjo në fakt flet shumë për gatishmërinë, për vullnetin politik të vetë grupit më të madh, i cili tenton që grupeve të tjera t’u imponojë kandidatët. Është një ushtrim shumë i pështirë, shumë elementar i demokracisë, nga i cili Vetëvendosja s’mund të dalë”, tha Lushaku.

Seanca konstituive e Kuvendit, 11 shtator:

Konstituimi i Kuvendit ka mbetur në gjysmë që nga gushti dhe nevojitet vetëm zgjedhja e katër nënkryetarëve të mbetur për t’u përmbyllur konstituimi.

Të mërkurën Haxhiu u rizgjodh kryetare, por seanca u shty pikërisht për shkak të mospajtimeve mes partive politike nëse nënkryetarët duhet të votohen në pako apo ndaras.

Po ashtu, një tjetër arsye e shtyrjes së seancës nga Haxhiu ishte shprehja “në emër të popullit serb” e përdorur nga Igor Simiq i Listës Serbe kur ai propozoi një bashkëpartiak të tij për postin e nënkryetarit të Kuvendit nga radhët e komunitetit serb.

Gjatë seancës të së mërkurës, Haxhiu i kërkoi atij të tërhiqte fjalën dhe të bënte sërish propozimin, duke e cilësuar si jokushtetues këtë shprehje.

Deputetë të Listës Serbe – partisë më të madhe të serbëve në Kosovë që gëzon mbështetjen e Beogradit – edhe më herët kishin përdorur shprehjen “në emër të popullit serb” gjatë deklarimeve në Kuvendin e Kosovës.

Haxhiu, por edhe Arbërie Nagavci nga LVV-ja thanë se nuk ka pajtim mes partive as për votimin e Vlora Çitakut të Partisë Demokratike të Kosovës dhe Kujtim Shalën e Lidhjes Demokratike të Kosovës, të propozuar për nënkryetarë të legjislaturës së njëmbëdhjetë të dalë nga zgjedhjet parlamentare të qershorit.

Nagavci tha pas seancës të së mërkurës se LDK-ja dhe PDK-ja po kërkojnë vota për nënkryetarët, por nuk po mbështesin propozimin e Bekim Sejdiut për postin e presidentit.

Bekim Sejdiu është propozuar për postin e presidentit nga LVV-ja e kryeministrit në detyrë, Albin Kurti, dhe LDK-ja e udhëhequr nga Lumir Abdixhiku. Por, gjashtë deputetë – nga 18 sa ka LDK-ja në këtë legjislaturë

– kanë thënë se nuk kanë votë për të. Në mesin e tyre është edhe Kujtim Shala, i propozuar për nënkrytar Kuvendi.

PDK-ja dhe LDK-ja, por edhe Lista Serbe, pas seancës të së mërkurës e akuzuan LVV-në për zvarritje të procesit të krijimit të institucioneve të reja.

Aleanca, ndërkaq, nuk mori pjesë fare, duke argumentuar se janë tejkaluar afatet kushtetuese për konstituimin e Kuvendit.

Kuvendi konsiderohet i konstituuar vetëm pasi të zgjidhen edhe pesë nënkryetarët. Me konstituimin e Kuvendit, do të hapet rruga për formimin e Qeverisë së re të Kosovës dhe zgjedhjen e presidentit.

LVV-ja, së bashku me partitë e komuniteteve joserbe kanë vota të mjaftueshme për të zgjedhur një ekzekutiv të ri.

Megjithatë, 53 votat e LVV-së, dhe 12 – ashtu siç ka deklaruar Abdixhiku – të LDK-së, si dhe ato të pakicave joserbe janë të pamjaftueshme për të zgjedhur një president të ri.

Për zgjedhjen e presidentit nevojitet prania e 80 deputetëve në Kuvendin me 120 vende që votimi për presidentin e Kosovës të jetë i vlefshëm.

Nëse deputetët s’arrijnë të zgjedhin kreun e ri të shtetit, qytetarët do t’i drejtohen sërish kutive të votimit. Ato do të ishin zgjedhjet e katërta parlamentare dhe të dytat për shkak të moskonsensusit për presidentin, që nga shkurti i vitit 2025. /REL/

#haxhiu

#Seanca

#VizionPlus



Taulant Halili

Gazetar/e · Vizion Plus · Redaksia e Vizion Plus.

Të gjithë artikujt

Vazhdo të lexosh

KOSOVA

Kosova me Qeveri të re! Kuvendi miraton...

Xhuljana Zhuleku · Dje 17:49

KOSOVA

Pas konstituimit të Kuvendit, Albin Kurti...

Xhuljana Zhuleku · Dje 15:26

KOSOVA

Kuvendi i Kosovës konstituohet pa PDK...

Xhuljana Zhuleku · Dje 13:37



Vizion Plus është një nga televizionet kryesore kombëtare në Shqipëri — lajme, programe, seriale dhe sport, drejtpërdrejt dhe on demand, 24 orë në ditë, kudo që je.

LIVE



Lajme

Politikë
Bota
Vendi
Kronikë
Lifestyle

Programe

Programe
Seriale
Guida TV
Video
Ekipi i Vizion Plus

Rrjeti

Rreth nesh
Karriera
Kontakt
Reklamo me ne
Dërgo lajmin tënd

Ligjore

Kushtet e përdorimit
Privatësia
Cookies
Politika editoriale

Pamja këtu është e ri-koduar për ta futur në dokument. Artefakti autoritar është skedari WebP i ruajtur, dhe hash-i i tij është ai i shtypur te faqja e parë — pra dallimi është i verifikueshëm, jo i fshehur.